



Fasti Mariani

Brunner, Andreas

Antverpiæ, M.D.C XXX III.

S. Anthvsæ Virg. 22. Aug.

[urn:nbn:de:hbz:466:1-70962](#)

21. AVG. Vite Sanctorum. 459
Obiit dum sociis à peste infectis oculos pius claudit ipsissimus ocellus cæli,
ex quo utinam ô MARIANI Argum
faceretis! Ex Chron. eiusd. Ord.

S. ANTHVSA VIRG. 22. Aug.

ANTHVSAM patria Seleucia, in hæc
Anobiles parentes, apud hos raræ
opæ, & cum his rarior forma com
mendabat. Sed illa additura aliquid
formositatis etiam animo, Christiani
fontis balneas suspirabat, & lavari à
Tharsensi Antistite Athanasio exop
bat. Quare veluti ad nutricem invisura
currum comite uno alteroꝝ servulo
conscendit. Interèa monitoribus &
comitibus Angelis usus Athanasius
obviam venit virginis, & ad primum
congressum fontem precibus suis de
dit, tūm deinde ANTHVSÆ corpus
undis, animum gaudiis perfudit. Et ut
sciret, quem hic colorem in tam sanctis
therinis induisset, adfuere gemini cæli
tes, qui veste & ipsâ candidâ candidis
simam animulam donarunt. Hæc illa
superba facile auream, quam gerebat,
contempnit, exutamque Athanasio, ille
miseris dedit. Talis denique nutricem
adiit, quæ cùm pretium vestis non in
telligeret imprudens, culpavit scilicet
virginis in tantâ nobilitate modestiam.
At hæc clam matre ad Episcopum re
vertit, & quod sciret facile innocentia

Gg 2 vestem

460 *Vita Sanctorum.* 23. A.V.G.
vestem sordes trahere, impetravit alteram & setis horridam, quâ tegeret priorem & indemnem servaret. Quin, ut ne domestici fures hanc raperent amici, in silvas exportavit. Sed & nutritrices pro unâ illâ tot illâc invenit, quot feras, quæ triginta & duos annos aluere hospitem. Immortua est rupi (lectus hic illi erat) adversus plurimos insultus dæmonis mali ipsa etiam ru-
pes. *Ex Menaio.*

SS. CLAVDIVS, ASTERIVS, NEON
MM. 23. *Augusti.*

Potest Ægæa hodie invidiam Romæ facere & tergeminos fratres & ipsa suos jactare. Horatiis vel ideo fortiores, quod vivus è pugnâ nullus abierit, omnes ceciderint victores. Illis nomina sunt CLAVDIVS, ASTERIVS & NEON, dissimilia vocabula, cæterum virtus sub pectore eadem planè & constantia. Primò singuli, tum totâ fraternâ acie pugnarunt; nec in tres solum hostes, sed in totas carnificum cohortes. Videlicet ad servilem metum, virgas, cederent Christi milites? Risum hæ, non gemitum expressere. Iam unci ferrei & ungulæ bubulique nervi in lacerato corpore integrū animum prodiderunt. Prunis & cum prunis tyranno insultarunt etiam. Tædas corpori admotas fortior ignis extinxit D E I amor. Ex